

Mensahe 12

**Magkinabuhi sa Madaogong Kinabuhi sa Paghari
diha sa Kinabuhi aron Mahimong Bag-ong Jerusalem
nga Syudad sa Kinabuhi**

Basahong Kasulatan: Rom. 5:10, 17, 21; 14:17-18; Mar. 4:26-29;
Luc. 17:21; Mat. 24:14

- I. Kinabuhi sa mananaog ang tinuod nga Cristohanong kinabuhi, ug ang tanang mananaog sa Bag-ong Tugon mga hari gyod nga nakadawat sa kadagaya sa grasya ug sa gasa sa pagkamatarong aron maghari diha sa kinabuhi—Rom. 5:17:**
- A. Isip mga propeta ug mga sacerdoteng tinudlo-sa-Dios, mga hari sab ta nga magpabuot sa Dios sa sulod nato ug pinaagi nato sa tanan Niyang kaaway; ang mga magtutuo sa Bag-ong Tugon mao gyod unta ang katumanan sa hulagway sa mga hari, mga sacerdote, ug mga propeta sa pamatigayon sa Dios:
 - 1. Sa Bag-ong Tugon giluwat ang tanang magtutuo aron mahimong mga hari ug mga sacerdote; mamulong ngani ang mga sacerdote alang sa Dios, mahimo silang mga tigpamaba sa Dios, ug kini ang mga propeta—1 Ped. 2:5, 9; Bug. 1:6; 20:6; 22:3-5; 1 Cor. 14:12, 24-25, 31.
 - 2. Maghimo natong mga mananaog ang pagpropesiya (pagpamulong og Cristo ngadto sa mga tawo); ang pagpropesiya maoy kagamitan sa mga mananaog—v. 4b; 1 Ped. 4:10-11; Buh. 5:20 ug nota 1.
 - B. Kon wala pa ta makaabot sa posisyon sa hari sa Cristohanong kinabuhi nato, wala pa ta makasakat sa hustong sukdanan; moingon tingali ta nga nagpahimulos ta ni Cristo, apan unsa man kadako, asa man kutob, ang pagpahimulos nato ni Cristo?
 - C. “Usa-ka-pulgada kataas” ra tingali ang pagpahimulos nato ni Cristo, apan walay kinutoban si Cristo; moabot gyod unta sa posisyon sa pagkahari ang pagpahimulos nato ni Cristo; modawat gyod ta sa nagsapawpaw nga grasya hangtod nga maghari ang grasya sa sulod nato aron mahimo tang maayong mga piniyalan sa nagkadaiyang grasya sa Dios—Fil. 3:13; Juan 1:16; Rom. 5:21; 1 Ped. 4:10; Efe. 3:2.
 - D. Ang hingpit nga kaluwasan sa Dios kana mang maluwas ta diha sa kinabuhi ni Cristo aron maghari ta ning kinabuhia pinaagi sa kadagaya sa grasya ug sa gasa sa pagkamatarong (Rom. 5:10, 17, 21); ang gasa sa pagkamatarong mao ang balaodnong katubsanan sa Dios nga praktikal nga giaplikar kanato; ang grasya mao ang Dios mismo nga igo-sa-tanan nga sangkap nato aron organico tang maluwas.
- II. Basahon kalabot sa mga mananaog ang Bugna, ang kataposang basahon sa Biblia; sa capitulo 2 ug 3, pito-ka-pilo nga gitawag sa Ginoo kitang mga magtutuo Niya, nga espirituhanong mga kali-**

Mensahe 12 (sumpay)

wat sa halangdong amahan nato nga si Abraham aron mahimong mga mananaog Niya (2:7, 11, 17, 26; 3:5, 12, 21), ang mga nibuntog sa tanang satanasnong kagubot (itandi sa Col. 1:17b, 18b, 10) ug nidaog diha sa diosnong pamatigayon (Rom. 8:37; 2 Cor. 2:14):

- A. Sa panan-aw sa Dios dunay upat ka dagkong kaliwat sa katawhan: ang kaliwat ni Adam, ang kaliwat ni Abraham sumala sa unod (Gen. 13:16), ang kaliwat ni Abraham sumala sa Espiritu (15:5; Gal. 3:7, 29), ug ang kaliwat sa mga mananaog; mopahayag gyod ta sa paggamit nato sa atong espiritu sa pagtuo nga iya ta sa kaliwat sa mga mananaog (2 Cor. 4:13).
- B. Gipakita sa basahon sa Bugna kanato nga kon wala ang mga mananaog walay paagi nga makabalik si Cristo; nasayod ta nga si Cristo ang atong paagi (Juan 14:6), apan sulod sa Iyang kasingkasing, moingon si Cristo sa mga mananaog nga sila ang Iyang paagi; ang mga mananaog mao gyoy paagi nga makabalik si Cristo (Bug. 19:7-9; Sal. 45:13-14).
- C. Papanalangina ang Dios kanimo aron mahimo kang mananaog karon, nga nagkinabuhi sa kinabuhing naghari; kining bugtong-talagsaong panalangin mao ang walay kataposang panalangin sa Tulo-usang Dios nga nagpaambit sa Iyang Kaugalingon kanato aron atong mapahimuslan—Num. 6:22-27; 2 Cor. 13:14; Efe. 1:3; Gal. 3:14.

III. Aron makahari ta diha sa kinabuhi aron mahimong mga mananaog sa Ginoo, kinahanglan makita nato nga gipanganak na ta pag-usab sa diosnon, espirituhanon, langitnon, ug harianong kinabuhi; niingon ang Ginoo nga, “Maingon sab ang gingharian sa Dios: morag nagsabod ang tawo og binhi sa yuta”—Mar. 4:26; 1 Juan 3:9:

- A. Kining binhia mao ang binhi sa diosnong kinabuhi (v. 9; 1 Ped. 1:23) nga gisabod nganha sa mga magtutuo, nga nagpakita nga ang gingharian sa Dios, nga maoy lugwa ug tumong sa ebanghelyo sa Ginoo, ug ang iglesia ning panahona (Rom. 14:17) may kalabotan sa kinabuhi, sa kinabuhi sa Dios, nga niturok, nitubo, namunga, nahinog, ug nagpalugwag alanihon (1 Cor. 3:6-9; Bug. 14:4, 15-16).
- B. Ang gingharian sa Dios mao si Cristo mismo (Luc. 17:21); isip Tulo-usang Dios diha sa pagkatawo (Col. 2:9), Siya ang kaliwat, “ang binhi,” sa gingharian sa Dios nga isabod nganha sa piniling katawhan sa Dios aron motubo Siya diha nila, mabuhi diha nila, ug mapadayag gikan sa sulod nila ug maugmad ug mahimong ginsakpan nga kabut-an sa Dios (Mar. 4:26-29; 1 Cor. 3:9).
- C. Ang tiunayng elemento sa tibuok pagtulon-an sa Bag-ong Tugon mao nga nagpakatawo ang Tulo-usang Dios aron isabod nganha sa piniling katawhan Niya ug maugmad sa sulod nila ug mahimong gingharian;

Mensahe 12 (sumpay)

ang tumong sa Dios mao ang hingpit nga pag-ugmad sa gingharian sa Dios:

1. Naa sa Mga Ebanghelyo ang pagsabod sa binhi sa gingharian—Mar. 4:3, 14; Mat. 9:35.
2. Naa sa Mga Buhat ang pagpasanay ug pagpakaylap ning pagsabod pinaagi sa linibolibo ka magsasabod nga nakadawat sa binhi sa gingharian—6:7; 12:24; 19:20.
3. Makita nato sa Mga Sulat ang pagtubo sa binhi sa gingharian—1 Cor. 3:6, 9b; 2 Ped. 1:3, 11.
4. Makita sa basahon sa Bugna ang pag-ani ning binhia ug ang pag-ani sa mga unang-bunga ug sa alanihon—14:4, 15-16; Mar. 4:29; Mat. 13:39.
5. Ang gingharian sa millennium mao unya ang kinahingpitang pagkaugmad sa binhi sa gingharian nga ang Anak maoy Hari ug ang tanang mananaog maoy mga masigka-hari Niya, ang “binhi-sa-gingharian nga katawhan”—Bug. 20:6.
6. Ang Bag-ong Jerusalem, ang walay kataposang gingharian sa Dios, mao ang hingpit nga pagkaugmad sa binhi sa gingharian nga gisabod ni Jesus nga Nasaretnon sa upat ka Ebanghelyo—Bug. 21:2; 22:1, 3, 5; 5:10; 3:12; 11:15; 19:6; 20:6; Sal. 146:10.
7. Mausea gyod unta ta sa Ginoo sa pagsangyaw sa ebanghelyo sa gingharian sa tibuok yutang gipuy-ag tawo aron mosanay ug maugmad ang binhi sa gingharian aron mahingpit kining panahona—Mat. 24:14.

IV. Sa kasinatian, ang paghari diha sa kinabuhi nagpasabot nga magpasakop sa pagbuot sa diosnong kinabuhi:

- A. Si Cristo ang sumbanan sa paghari diha sa kinabuhi sa pagpasakop Niya sa pagbuot sa diosnong kinabuhi sa Amahan—itandi sa 8:5-13.
- B. Panig-ingnan si Pablo sa tawo nga, sa kinabuhi ug pagpangalagad niya, nagpasakop sa pagbuot sa diosnong kinabuhi—2 Cor. 2:12-14.
- C. Gikinahanglan gyod nga magbatasan sa pagpapugong ug pagpalimiti sa diosnong kinabuhi ang tanang magtutuo nga nakadawat sa kadagaya sa grasya ug sa gasa sa pagkamatarong; ang kinabuhing nagpasakop sa pagbuot sa gingharian kinabuhi man sa pagkamatarong, kadait, ug kalipay diha sa Espiritu Santo; ang pagkinabuhi sa ingon niini pag-alagad man nato ni Cristo ingog ulipon, ug gikahimut-an sa Dios ug giaprobahan sa mga tawo kanang kinabuhia—Rom. 14:17-18; itandi sa 1 Cor. 12:3.

V. Gipadayag sa Deuteronomio nga ang hustong hari una magpatudlo, magpadumala, magpabuot, ug magpakontrol gyod sa pulong sa Dios (17:14-15, 18-20); ingon niini sab gyod ang prinsipyo

Mensahe 12 (sumpay)

kalabot sa mga anciano sa kaiglesiahan ug kanatong tanan nga nagtinguha nga maghari diha sa kinabuhi (2 Tim. 3:14-17):

- A. Aron makadumala sa iglesia, kinahanglan nga maumol pag-usab sa pulong sa Dios ang mga anciano (1 Tim. 3:2; 5:17); resulta niini, magpasakop sila sa pangagamhanan sa Dios, sa pagbuot ug pagkontrol sa Dios.
- B. Unya diha-dayon, maanaa ang Dios sa ilang mga desisyon, ug more-presentar sa Dios ang mga anciano sa pagdumala sa mga atimanonon sa iglesia; teokrasya kining pagdumalaha.
- C. Sa pagpanguna ni Esdras ug ni Nehemias, hiniusang giumol pag-usab sa Dios ug uban sa Dios pinaagi sa Iyang pulong ang nanguling katawhan sa Israel aron mahimong nasod nga panghimatuod sa Dios; ang pag-umol pag-usab sa katawhan sa Dios pag-edukar man kanila sa pagbutang kanila diha sa Pulong sa Dios aron masuropan sila sa pulong—Neh. 8:1-18.
- D. Nausa sa Espiritu ang pulong sa Dios (Juan 6:63; Efe. 6:17); tungod sa pagbasa nato sa diosnong Pulong adlaw-adlaw, magbuhat ang pulong sa Dios sa sulod nato, ug diha-dayon ipaambit sa Espiritu, pinaagi sa pulong, ang kinaiya sa Dios lakip ang elemento sa Dios nganha sa atong pagkatawo, nga mag-umol natog Dios.

VI. Aron makahari diha sa kinabuhi, magpasakop sab gyod ta sa pagbuot sa Espiritu; pagpadayag sa pagbuot sa Espiritu ang rekord sa kinabuhi ni Jose, kay ang pagbuot sa Espiritu mao man ang nagharing aspeto sa hamtong na nga balaan; kinabuhi kini nga naghari diha sa kinabuhi, nga nagpapugong ug nagpalimiti sa diosnong kinabuhi diha sa realidad sa gingharian sa Dios, ug mas habog pa kini kaysa ubang aspeto sa Espiritu—Rom. 5:17, 21; 14:17-18; 1 Cor. 2: 15-16; 2 Cor. 2:13-14; 3:17-18; 2 Tim. 4:22; Bug. 4:1-3:

- A. Si Jose nga “hinamgo” (Gen. 37:19), nagdamgo nga segun sa panan-aw sa Dios, mga binangan nga trigo nga puno sa kinabuhi ug mga langitnong panon nga puno sa kahayag ang Iyang katawhan (vv. 5-11); ang duha ka damgo ni Jose (vv. 7-9), nga pulos gikan sa Dios, nagpadayag kaniya sa diosnong panan-aw sa Dios kalabot sa kinaiya, posisyon, kagamitan, ug tumong sa katawhan sa Dios dinhi sa yuta.
- B. Nagkontrol sa kinabuhi ni Jose ug nagdumala sa paggawi niya ang iyang mga damgo; maayo kaayo ug matahom kaayo siyang naggawi kay gidumalahan man siya sa panan-awong nakita niya sa iyang mga damgo (itandi sa Buh. 26:19); gipagula sa iyang mga igsoon ang ilang kasuko (Gen. 37:18-31) ug nagpasinunot sila sa ilang pangibog (38:15-18), apan gibuntog ni Jose ang iyang kasuko ug gidaog ang iyang pangibog (39:7-23), naggawi ingog binangan nga puno sa kinabuhi ug samag langitnong bituon nga naghayag sa kangitngitan.

Mensahe 12 (sumpay)

- C. Ang kinabuhi ni Jose diha sa langitnong panan-awon mao ang kinabuhi sa gingharian sa mga langit nga gihulagway sa Mateo 5—7; sa pagkinabuhi niya nianang kinabuhia, hingpit gyod siyang naandam nga maghari; matod pa sa batakang-balaod sa langitnong gingharian nga gipadayag ning mga capituloha sa Mateo, buntogon gyod ang atong kasuko, ug dag-on gyod ang atong pangibog (5:21-32).
 - D. Isip representante sa nagharing aspeto sa hamtong nga kinabuhi, nagpahimulos si Jose sa presensya sa Ginoo, ug lakip niini ang pagbulot-an, pagpauswag, ug pagpanalangin sa Ginoo—Gen. 39:2-5, 21, 23; Buh. 7:9.
 - E. Bisan natugob si Jose sa tawhanong mga pagbati ug mga sentimento ngadto sa iyang mga igsoon, gipugngan niya ang iyang kaugalingon ug ang tanan niyang pagbati diha sa pagbuot sa Espiritu; gidumilian niya ang iyang kaugalingon ug hingpit gyong nagpasakop sa mabut-anong paggiya sa Dios, naggawi nga alang ra gyod sa interes sa Dios ug sa Iyang katawhan—Gen. 42:9, 24; 43:30-31; 45:1-2, 24.
 - F. Buhing hulagway si Jose sa gipadayag sa Bag-ong Tugon; tawo siya nga nagdumili-sa-kaugalingon nga walay kaugalingong-tinguha, kaugalingong-pagpahimulos, kaugalingong-pagbati, kaugalingong-ambisyon, o kaugalingong-tumong ba; alang sa Dios ug sa katawhan Niya ang tanan; ang pagdumili ni Jose sa kaugalingon, ang pagkapinugngan niya diha sa nagbuot nga kamot sa Dios, maoy sekreto sa pagbatasan sa kinabuhi sa gingharian—Gen. 45:24; Mat. 16:24; 2 Cron. 1:10; Isa. 30:15a; Fil. 1:9; 1 Tim. 5:1-2; 1 Tes. 3:12; 4:9; 2 Tes. 1:3; Rom. 12:10; 1 Juan 4:9; Heb. 13:1.
 - G. Ang pagkaamgo ni Jose mao nga ang Dios maoy nagpadala niya sa Egipto; sa Genesis 50:20 niingon siya sa iyang mga igsoon nga, “Bisan tuod gitinguha ninyo ang daotan batok nako, apan kaayohan ang tuyo sa Dios” (45:5, 7; 50:19-21; itandi sa 41:51-52); kini ang realidad sa pulong ni Pablo sa Roma 8:28-29; gidawat ni Jose ingog gikan sa Dios ang tanang gibuhay sa iyang mga igsoon kaniya, ug gialam-alaman ang mga nakasala niya (Gen. 45:5-8; 50:15-21); unsa nga grasya, ug unsa kamaayo kaayo ang espiritu niya!
 - H. Gamiton gyod nato ang “diosnong teleskopyo” aron makaila ta sa panahon ug makakita sa Bag-ong Jerusalem, nga walay laing naa niini kondili mga binangan ra nga puno sa kinabuhi ug mga bituong masanagon kaayo; maglabi ta kahamtong sa kinabuhi, magkamenos sab ang negatibong pagpamulong nato kalabot sa mga balaan o sa iglesia—itandi sa 38:27-30; Mat. 7:1-5; 1 Ped. 3:8-9.
- VII. Makakita ug modangat gyod unta ta sa tumong sa paghari diha sa kinabuhi; maghari ngani ta diha sa kinabuhi, magkinabuhi nga nagpasakop sa pagbuot sa diosnong kinabuhi, ang lugwa mao**

Mensahe 12 (sumpay)

ang tinuod ug praktikal nga kinabuhi sa Lawas nga napadayag sa iglesiahamong kinabuhi—Rom. 12:1-4, 9-12, 15-18; 14:1-9; 15:1-13:

- A. Isip mga tawong nituo na ni Cristo, gibalhin na ta ngadto sa gingharian sa Anak sa gugma sa Dios, ug diha sa iglesiahamong kinabuhi, modaog ang gugma (Col. 1:12-13); gitukod sa Lawas ang iyang kaugalingon diha sa gugma (1 Cor. 8:1; Efe. 1:4; 3:17; 4:2, 15-16; 5:2), ug ang gugma maoy labing maayong paagi nga mahimo tang bisan unsa ug makabuhay og bisan unsa aron matukod ang iglesia nga organicong Lawas ni Cristo (1 Cor. 12:31b; 13:4-8a).
- B. Kon wala tay Cristo nga gugma, masama ang tanang pagpamulong nato sa “gipalanog nga agong o nagtagingting nga piyangpiyang” nga nagpatingog apan walay kinabuhi—v. 1.
- C. Ang iglesiahamong kinabuhi dili estasyonan sa polis o husgado ba kondili mahigugmaong panimalay nga momatuto sa espirituhanong mga anak, ospital nga moayo ug mopahiuli sa mga masakiton, ug tunggaan nga motudlo sa uban diha sa gugma—Mat. 9:12; 2 Cor. 11:29a; Juan 8:7, 10-11; 1 Cor. 9:22; Luc. 15:1-7.

VIII. Maghari ngani ta diha sa kinabuhi, gipahari nato sa atong sulod si Cristo nga nagpuyo-sa-sulod isip grasya “ngadto sa kinabuhing walay kataposan”; kini ang kahingpitan sa paghari diha sa kinabuhi—Heb. 4:16; Rom. 5:17, 21:

- A. Niingon ang Juan 4:14b nga, “Ang tubig nga ihatag Nako niya mahimo hinuon tuboran sa tubig diha niya nga motubod ngadto sa kinabuhing walay kataposan.”
- B. Nagpasabot og dangatanan ang *ngadto*; ang kinabuhing dayon maoy dangatanan sa nag-agay nga Tulo-usang Dios; nagpasabot sab ang *ngadto* og “mahimo” o “mao unya.”
- C. Sa pagpahimulos nato sa nag-agay nga Tulo-usang Dios—sa Amahan nga tuboran sa kinabuhi, sa Anak nga tubod sa kinabuhi, ug sa Espiritu nga suba sa kinabuhi—gidawat nato ang kadagaya sa grasya aron mahimong Bag-ong Jerusalem nga kinatibuk-an sa kinabuhi sa Dios, sa syudad sa kinabuhi; busa, ang lugwa ug kahingpitan sa paghari nato diha sa kinabuhi mao gyod ang bugtong-talagsaon ug kinataposang tumong sa pamatigayon sa Dios—ang Bag-ong Jerusalem.